

Broj: 440-01/463
Datum: 08.07.2022.

Radio-televizija Federacije Bosne i Hercegovine

Na osnovu Člana 35. Zakona o Javnom servisu Radio-televizije Federacije Bosne i Hercegovine (Sl. Novine 48/08), Člana 70. stav 4) Zakona o javnim nabavkama (Sl. Glasnik 39/14), te Rješenja Ureda za razmatranje žalbi br: JN 2-03-07-1-1454-9/22, donosim

ODLUKU

o poništenju postupka javne nabavke – konkurentski zahtjev za dostavu ponuda Revizija finansijskog poslovanja 77/22

I

Poništava se predmetni postupak javne nabavke u potpunosti i to: Odluka o izboru najpovoljnijeg ponuđača br: 4110-01/341 od 16.05.2022. godine, Tenderska dokumentacija br: 77/22, Obavještenje o nabavci br: 1343-7-2-96-3-28/22 od 20.04.2022. godine i svi ostali akti Ugovornog organa donesenih u predmetnom postupku iz razloga što je Ured za razmatranje žalbi, rješavajući po žalbi na navedenu Odluku o izboru napovoljnijeg ponuđača, donio Rješenje kojim žalbu usvaja kao osnovanu i predmetni postupak poništava u cjelosti.

II

Ova Odluka objavit će se na web stranici Ugovornog organa (www.rtvfbih.ba) istovremenom s upućivanjem primjeraka Odluke ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama (Sl. Glasnik BiH 39/14).

III

Ova odluka stupa na snagu danom donošenja.

Obrazloženje

Dana 23.05.2022. godine Ugovorni organ je zaprimio Žalbu br: 19p-1/2022 ponuđača Address d.o.o. Sarajevo na Odluku o izboru najpovoljnijeg ponuđača konkurentskog zahtjeva za dostavu ponuda Revizija finansijskog poslovanja za 2021. godinu JN 77/22 gdje je procijenjena vrijednost nabavke iznosila 10.000,00 KM (slovima: deset hiljada KM), a ocjena ponuda se vršila po osnovu kriterija ekonomski najpovoljnije ponude.

Ugovorni organ je u skladu sa odredbom člana 100. stav 5. Zakona o javnim nabavkama BiH dostavio Uredu za razmatranje žalbi Izjašnjenje na žalbene navode žalitelja Address d.o.o. Sarajevo br:4110-01/358 dana 26.05.2022. godine.

Ured za razmatranje žalbi je u predmetnom postupku izvršio uvid u dostavljenu dokumentaciju, te je donio Rješenje br: JN 2-03-07-1-1454-9/22 od 01.07.2022. godine u kojem se usvaja Žalba ponuđača Address d.o.o. Sarajevo i poništio postupak u cijelosti.

S obzirom na navedeno, Ugovorni organ je donio odluku kao u dispozitivu.

Pouka o pravnom lijeku

Na ovu odluku dozvoljena je žalba u skladu sa Članom 101. Zakona o javnim nabavkama Bosne i Hercegovine (Službeni glasnik BiH 39/14).

Žalba se podnosi u dovoljnom broju primjeraka koji ne može biti manji od četiri na adresu ugovornog organa: Radio-televizija Federacije Bosne i Hercegovine, ul. Bulevar Meše Selimovića broj 12, 71000 Sarajevo.

RTVFBiH

Džemal Šabić, generalni dir.

